

Tema 1 – Nilai Berkaitan Dengan Perkembangan Diri

1) Nilai Kepercayaan Kepada Tuhan

Keyakinan wujudnya Tuhan sebagai pencipta alam dan mematuhi segala suruhanNya berlandaskan pegangan agama masing-masing selaras dengan prinsip Rukun Negara

2) Nilai Amanah

Sikap bertanggungjawab yang boleh menimbulkan kepercayaan dan keyakinan diri orang lain

3) Nilai Harga Diri

Keupayaan dan keyakinan diri agar mampu memulia dan menjaga maruah diri dalam kehidupan

4) Nilai Bertanggungjawab

Kesanggupan diri seseorang untuk memikul dan melaksanakan tugas serta kewajipan dengan sempurna

5) Nilai Hemah Tinggi

Beradab sopan dan berbudi pekerti mulia dalam pergaulan seharian

6) Nilai Toleransi

Kesanggupan bertolak ansur, sabar dan mengawal diri bagi mengelakkan berlakunya pertelingkahan dan perselisihan faham demi kesejahteraan hidup

7) Nilai Berdikari

Kebolehan dan kesanggupan melakukan sesuatu tanpa bergantung kepada orang lain

8) Nilai Kerajinan

Usaha yang berterusan penuh dengan semangat ketekunan, kecekalan, kegigihan, dedikasi dan berdaya maju dalam melakukan sesuatu perkara

9) Nilai Kasih Sayang

Kepekaan dan perasaan cinta yang mendalam serta berkekelan yang lahir daripada hati yang ikhlas

10) Nilai Keadilan

Tindakan dan keputusan yang saksama serta tidak berat sebelah

11) Nilai Rasional

Boleh berfikir berdasarkan alasan dan bukti yang nyata dan dapat mengambil tindakan berdasarkan pertimbangan yang wajar

12) Nilai Kesederhanaan

Bersikap tidak keterlaluan dalam membuat pertimbangan dan tindakan sama ada dalam pemikiran, pertuturan atau perlakuan tanpa mengabaikan kepentingan diri dan orang lain

Tema 2 – Nilai Berkaitan Dengan Kekeluargaan

13) Nilai Kasih Sayang Terhadap Keluarga

Perasaan cinta, kasih dan sayang yang mendalam dan berkekelan terhadap keluarga

14) Nilai Hormat dan Taat Kepada Anggota keluarga

Memuliakan setiap anggota keluarga dengan berinteraksi dan memberi layanan secara bersopan untuk mewujudkan keluarga yang harmoni

15) Nilai Mengekalkan Tradisi Kekeluargaan

Menerima, menghormati dan mengamalkan sesuatu kebiasaan, adat dan kepercayaan yang diwarisi secara turun-temurun dalam keluarga

16) Nilai Tanggungjawab Terhadap Keluarga

Kewajipan yang harus dilaksanakan oleh setiap individu terhadap keluarga untuk melahirkan keluarga bahagia, meningkatkan imej dan menjaga maruah keluarga

Tema 3 – Nilai Berkaitan Dengan Alam Sekitar

17) Nilai Menyayangi dan Menghargai Alam Sekitar

Kesedaran tentang perlunya memelihara dan memulihara alam sekeliling untuk mengekalkan keseimbangan ekosistem

18) Nilai Keharmonian Antara Manusia dengan Alam Sekitar

Keadaan saling memerlukan hubungan yang harmonis antara manusia dengan alam sekeliling supaya kualiti kehidupan manusia dan alam sekeliling terpelihara

19) Nilai Kemapanan Alam Sekitar

Pengekalan keseimbangan alam sekeliling sebagai tanggungjawab bersama untuk kesejahteraan hidup

20) Nilai Peka Terhadap Isu-isu Alam Sekitar

Prihatin terhadap persoalan yang berkaitan dengan alam sekeliling dan berusaha menyelesaikannya

Tema 4 – Nilai Berkaitan Dengan Patriotisme

21) Nilai Cinta akan Negara

Perasaan sayang dan bangga kepada Negara serta meletakkan kepentingan negara melebihi kepentingan diri

22) Nilai Taat Setia Kepada Raja dan Negara

Kepatuhan dan kesetiaan yang berkekalan terhadap Raja dan Negara

23) Nilai Sanggup Berkorban untuk Negara

Kerelaan melakukan atau menyerahkan sesuatu termasuk nyawa sebagai tanda kebaktian untuk negara

Tema 5 – Nilai Berkaitan Dengan Hak Asasi Manusia

24) Nilai Melindungi Hak Kanak-kanak

Membela, memberi naungan dan memelihara hak kanak-kanak bagi menjamin kehidupan mereka yang sempurna

25) Nilai Menghormati Hak Wanita

Melindungi dan mengiktiraf wanita sebagai individu yang boleh memberi sumbangan dalam pembangunan keluarga, masyarakat dan negara

26) Nilai Melindungi Hak Pekerja

Menghormati, menghargai dan mengiktiraf perkhidmatan, jasa dan sumbangan golongan pekerja dalam pembangunan negara

27) Nilai Menghormati Hak Golongan Kurang Berupaya

Memberi layanan yang bersopan kepada golongan kurang berupaya supaya tidak berasa tersisih dan mengiktiraf mereka sebagai insan ciptaan Tuhan

28) Nilai Melindungi Hak Pengguna

Membela dan memelihara hak individu untuk menjadi pengguna yang berilmu, mendapat perkhidmatan serta barangan yang berkualiti dan tidak mudah dieksploitasi

Tema 6 – Nilai Berkaitan Dengan Demokrasi

29) Nilai Mematuhi Peraturan dan Undang-undang

Menerima dan mematuhi peraturan dan undang-undang yang telah ditentukan tanpa mengira sesiapa dan di mana seseorang itu berada

30) Nilai Kebebasan Bersuara

Kebebasan berucap dan mengeluarkan fikiran dengan batasan tertentu bagi menjaga keselamatan dan ketenteraman

31) Nilai Kebebasan Beragama

Kebebasan setiap individu untuk menganuti dan mengamalkan agamanya seperti yang diperuntukkan dalam Perlembagaan Malaysia

32) Nilai Penglibatan Diri Dalam Pembangunan Negara

Kebebasan untuk melibatkan diri dalam pelbagai aktiviti pembangunan negara dengan mematuhi peraturan, undang-undang dan Perlembagaan Malaysia

33) Nilai Sikap Keterbukaan

Bersedia memberi dan menerima pandangan, pembaharuan dan kritikan selaras dengan kebenaran fakta dan norma masyarakat Malaysia

Tema 7 – Nilai Berkaitan Dengan Keamanan Dan Keharmonian

34) Nilai Hidup Bersama Secara aman

Suka hidup berbaik-baik antara satu dengan yang lain dan mengutamakan kedamaian dan keharmonian hidup tanpa mengira agama, bangsa dan budaya

35) Nilai Saling Membantu dan Bekerjasama

Usaha yang baik dan membina yang dilakukan bersama pada peringkat individu, komuniti atau negara untuk mencapai sesuatu matlamat

36) Nilai Saling Menghormati Antara Negara

Menghargai dan memuliakan hubungan antara negara untuk menjamin kesejahteraan sejagat